

Heidewitzka, Herr Kapitän

Text & Musik: Karl Berbuer

1. Eimol em Johr dann weed en Scheffstour gemaht,
denn su en Faht, hät keinen Baat.

Eimol em Johr well mer der Drachenfels sin
wo köme mer söns hin?

Liebchen ade, mer stechen he
mem Müllemer Bötche endlich en See,
un wenn et ovends spät op Heim ahn dann geht,
dann rofe mer vör luter Freud:

Refrain:

Heidewitzka, Herr Kapitän,
me'm Müllemer Bötche fahre mir su jän.
Mer kann so schön em Dunkele schunkele,
Wenn üvver uns die Stääne funkele.
Heidewitzka, Herr Kapitän,
me'm Müllemer Bötche fahre mir su jän.

2. Volldampf voraus! Et geht d'r Rhing jetzt entlang
met Sang un Klang, de Fesch wähde bang,
met hundert Knöddele dat litt klor ob d'r Hand,
wink uns et blaue Band.

Süch ens d'r Schmitz, met singem Fitz,
die sin ald jetz su voll wie an Spritz,
hä fällt dem Zigarettenboy öm d'r Hals
brüllt met'ner Stemm su voller Schmalz

-Refrain-

3. Jung, ob dem Scheff ham'mer ald Windstärke 11,
bal Halver Zwölf un gar kein Hölf,
selvs de Frau Dotz, die met dem Wallfeschformat,
wood dovun seekrank grad.

Heimlich un stell bütz doch dat Bell
en der Kajütt ne knochige Böll,
nä et wed Zick met uns, mer müsse ahn Land,
mer sin jo wie us Rand und Band.

-Refrain-